



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.516/a



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.516/a



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.516/a



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL 1.6.516/a

MEDICINAM PRACTICAM
NON SATIS ÆSTIMARI.

ORATIO

Habita in Archi-Lyceo Patauino,
die 16. Nouembris, 1683.

A CAROLO PATINO,

EQVITE D. MARCI, DOCT. MED. PARIS.
PRIMARIO PRACTICÆ EXTR.
PROFESSORE.



V E N E T I I S, MDCLXXXIII.

Typis Io: Francisci Valuasensis,
Superiorum permissu.

Illustrissimo & Excellentissimo D.
D. HIERONYMO ASCANIO
IUSTINIANI,
 Academiae Patauinae Moderatori,
CAROLVS PATINVS.



Anc ego Orationem lubentissimè Tibi offero, neque an Tibi offerenda sit vel tantillum hæsiti, Illustriss. & Excellentiss. Domine. Quale sit huius argumentum, Tu probè nosti, qui mihi illud præbuissti, eademque opera, amplissimum præbuissti argumentum gratiarum actionibus, quas si minùs aquo egi, certè maximas & habeo & in perpetuum habeo. Congruum equidem fuerit ut ad tam nobilem Cathedram tuo beneficio euectus, gratis ego Te laudibus contra in cælum eueberem. Sed sanè vereor ne ingenij mei culpa laudes tuas deterere videar: Operi tamen arduo non deerunt feliciora ingenia; abundè mihi fuerit, si qualemcumque, ubi se dabit occasio, in Tui gloriam ac celebritatem symbolam pro virili conferam. Quantum ego Tibi debeam, lubens agnosco & gratus prædico, quippe qui Tuo fauore sedem amplissimam sibi consecutus. Si tandem primaria una Dignitate, qua gloriæ nostræ fastigium est, decoratus vnquam sit qui primarius Parisijs fuit Professor, non equidem abesse a patria, sed felici sorte commutasse patriam sibi videbitur. Tunc Patris mei Guidonis Professoris Regij veram successorem, verum heredem ut ut in alieno solo me iudicauerint omnes. Sed hæc, ut aiunt Poetæ, in Deorum gremium iacent,

Ἄλλ' ἤτοι μὲν ταῦτα θεῶν ἐν γένεσι κείται.

Prudens futuri temporis exitum

Caliginosa nocte premit Deus.

Ego interea conabor ut Spartam mihi commissam pro facultate mea exornem, & gratum animum erga meos benefactores exhibeam. Tu quoque interea, Illustriss. & Excellentiss. Domine, egregio tuo patrocinio perge rem litterariam illustrare, ac de genere humano bene mereri. Viue diu, viue felix, Reipublica honos nobilitatis Flos eximie, & si id adijci pateris, præsidium & dulce decus meum. Vale.

*Illustrissimi & Excellentissimi Viri, Illustriss. & Geneross.
Proscindice, Patres Sapientissimi,
Auditores humanissimi.*



Riscorum hominum multos arte medendi claruisse, ac in Diuorum numerum relatos fuisse, posterorum memoria mandauit Romanorum eloquentissimus. Vnum ex ijs Æsculapium non illum quidem Apolline, aut Ioue prognatum, sed Arisippi & Arsinœ filium veneranda finxit Antiquitas: Cui quod alui purgationem, dentisque euulsionem primus adinuenisset, sacrorum omne genus, templa, sacerdotes, aras, sacrificia, eadem honorificentissime decreuit. Amplum ipsi lucum, non procū ab Epidaurio exstructum, commemorat Pausanias, in *Corint.* intra cuius ambitum mori quemquam aut nasci erat religio, eodem scilicet ritu qui in Delo insula seruabatur. Hac fabula nonne declarare voluerunt sapientes Græci, Medicorum opera non modò mortales à febribus, morbisque particularibus vindicari, sed & ad immortalitatem deduci; quasi nulla amplius tum generationis tum corruptionis adforet necessitas.

At heu fortem nostram! heu Vatum ignaras mentes! quid delubra iuuant? Hominem totum esse ex natiuitate morbum nonne dolores innumeri asserunt? Nonne ipsa testatur Natura, continuæ actionis repassionisque incapax? Ita profecto est, Auditores, nec aliud opinari finit infans Iacobi Pighij fatum, immatura morte nuper erepti. Tanta cum celebritate, corporis humani fabricam, totum, vt ita dicam, orbem docere instituerat, tanta cum facundia, ignotas hætenus eius functiones, reconditaque Naturæ mysteria reuelauerat, vt perspicaces quantumuis Excellentissimos Moderatores diu tenuerit pudor, hærentes qualem ipsi sufficerent. Vnum te manebat, hic honos, Dominice Marchetis, qui gloriam à Pighio acceptam ampliare poteris, quique intermissum Theatri anatomici splendorem maiori luce restituere moliris.

Sed heu iterum! quis exhedram tuam, Eximie Marchete, ac vices implebit? Tales enim Dij talesque Heroes non suppetunt: Vacanti igitur prouinciæ hominem substituere decreuit prudentissimus Magistratus; non eum quidem, qualem aut muneris amplitudo, aut decessoris fama postularet, sed qualem Sors obtulit. Æquam-ne iniquam ve illam dixero, Auditores, quæ ad praxim medicam in hoc Archi-lyceo docendam, me promouet, ac sistit? Totum pudore commotum me cernitis, tanti Prædecessoris memoria pœnè pro-

A 2 stra-

17

stratum, perardui officij humeris meis impositi non ignarum, ac denique tot & tantorum Auditorum praesentia non tam excitatum, quam percussum. Hoc vno vires meas quantumvis debiles recreari spes est, vestrum scilicet omnium beneuolentia, quam haecenus quominus meritus fuisse fateor, eam maiori veltra indulgentia sum consequutus.

Studio itaque Chirurgiae parumper semoto, & nonnisi suis vñbus reseruato, ad praxim Medicam, sacrae artis partium vt difficillimam sic periculossimam, accedamus cuius praeepta [mihi cum Galeno gloriari liceat, *l. 3. de loc. aff. c. 3.*] non ex libris solum didicisse, sed ex praestantissimis in vnaquaque secta Praeceptoribus vsum fuisse, & triginta annorum exercitio confirmasse contigit. Ac primum placet generalem artium diuisionem ex Aristotele recensere, quae tam addiscendi, quam exercendi varietate longissimis seiunguntur intervallis. Viliissima ideo censetur mechanica, quod sola exercitatione perfiscantur, quodque solum fere corporis robur requirant. Aliae mentis praeterea requirunt acumen, a corporis viribus non omnino pendentes, vnde *liberalium* nomen ijs datum est, vt pictoriae, & sculptoriae, quibus & ipsi Reges immortalitatem sibi prorogari arbitrabantur, auctore Plinio, *l. 14. c. 1.* Earum tandem est genus tertium, ab ingenij dependens acumine, & exercitio, ad quod refertur Medicina, ceterarum amplissima, vtpote quae nullos alios fines habet quam mundus ipse, suo ambitu res omnes comprehendens, cuiusque addiscendae gratia, vitam breuem esse merito conquestus est Hippocrates.

Ad sua tamen capita reducit quantumvis vasta eius cognitio, priusquam praxim ostendet; e quibus huius auctoritatem, dignitatem, & estimationem multo maiorem esse quam vulgus sibi persuadet manifestare animus est. Quid enim arti dignitatem, conciliare solet, praeter operis difficultatem atque praestantiam, subiecti nobilitatem, & beneficij amplitudinem? Et haec tria Medico Practico apprimè conuenire, mea, si linguis faueritis, declarabit oratio.

Ac primum quod ad operis difficultatem praestantiamque attinet, nullus negauerit Medicinam sua sensim ex vetustissimo aeo habuisse incrementa, nec nisi longa saeculorum serie tot numeris absolutam, ad nos pertuenisse. Prima quippe curandis morbis, ijs scilicet qui sub oculorum sensum cadentes, manuum operam admittunt, instituta est Chirurgia, omnium Medicinae partium, teste Platone, antiquissima, tumoribus, vulneribus, vlceribus, fracturis, & luxationibus apprimè necessaria, cuius auxilium singulis diebus ac vbi querequiratur: Inde fit vt ipsi Barbari, rudes quantumvis ac ἀμύητοι, & philosophia olores, eius vtilitate allekti Chirurgo nutrant, & honorent. Hanc Dixta proximè sequitur cuius directioni res omnes non naturales commissae sunt. Timidos tyrones lateat hoc argumentum, ne tam immensis studijs territi, inertis vitae delicias, aut

aut Musas mansuetiores, aut ipsam τῶν μόνων solitudinem tantæ difficultati superandæ fortassis antepont. Quotus hic diuersus aer examinandus est? Quanta ciborum potuumque varietas? Huc quippe reuocantur omnes volucres, quadrupedes, pisces, fructus, factitiorum seu compositorum alimentorum omne genus, vinorum, aquarumque naturæ innumerae. Sed & laboris, seu exercitationum ratio habenda est, cuius solius inuestigatio totum hominem requireret, vt maximè sciat quietis pretium, quæ docente Celso, l. 5. c. 26. *ipsa sola optimum medicamentum est*. Somni necessitatem excretorum retentorumque διατριβὴν ac animi passiones nisi Medicus philosophica meditatione cognouerit, frustra de agitandis nostris operibus exercendaque praxi cogitet.

Sed neque hæc sufficiunt: Pharmaceuticam artem nisi calluerit, Practicus noster, qualem proficitur præstare non posset, & ad magistros artis, viros plerumque illiteratos, & parum philosophos, addiscendi causa recurrere cogeretur. Qua arte, quæso, simplicibus medicamentis vti posset ille qui ea non nouit? Qua arte morbos debellare tentaret, qui illorum facultates tum intensas tum refractas non haberet in numerato? Qua demum arte fraudulentos homines in supponendis apud Magnates plebemque medicamentis exercitatos redargueret & coaceret?

Pharmaciam plerique à Chymia disjungunt, operationum potiùs varietate quam obiecti aut finis differentia. Hanc ideo Practico nostro necessariam arbitramur, tum vt corpora concreta caloris beneficio ad purum efficacemque statum elaborando, & reducendo, Naturam intimè quantum fieri potest scrutetur, sicque suis ægrotantibus succurrat; tum vt effœnatam fallendi libidinem non minori impudentia, quàm ignorantia grassantem, magno mortalium beneficio explodat, & confutet. Ea itaque ipse possit eligere simplicia medicamenta, ex plantis, animalibus, & mineralibus petita; eaque ita præparet aut præparari imperet, vt purum ab impuro, vtile ab inutuli, saluis manentibus facultatibus, secernatur. Id me docuerunt clarissima Parisiensis scholæ lumina, viri verè Medici, nihil à Practico præscribendum esse, præcipuè si aliquantum periculosum fuerit, quod ipse præparare non queat. Mæx erga Præceptores venerationi condonent qui hæc audiunt; Ingenui quippe pudoris semper existimaui, cum Plinio, fateri per quos profeceris. Multas deinde compositiones nisi vsu monstrari posse, vt testatur experientia, sic præcipit Galenus, l. 1. de alim. fac. c. 1. *Ἐκ βιβλίων μὴτε κυβερνήτων τινα γινόμενον γίνεσθαι, μὴτε ἄλλης τέχνης ἰσχυρίων*. Ipse Hippocrates, quem semper ducem & magistrum imitandum sibi proponere debet Practicus, in præparandis medicamentis sæpè manum adhibuit; sæpè & fidelissimi Crateuz ope vsus est, quem

ἄριστον

18

ἀριστον πρῶτον non rarò nuncupavit, adhibito præterea perhonorifico hoc elogio, τὸ δὲ χρῆμα τῶν βοτάνων παρὰ σοὶ πολλὰ κινεῖται. *Negotium rei herbaria in te sæpenumero miratus sum.*

Quid opus est Anatomiae necessitatem artis Mædicæ cultoribus innuere, quam suam facem & suum Solem omnes agnoscunt. Vnde ut ad historiæ fidem Geographia prorsus necessaria est, sic, inquit Fernellius. ad rem medicam, corporis humani descriptio pernoscenda. Intellectus quidem multa consequitur, corporis tamen organa ea ἀκριβῆς percipere solus nequit, quantam intuitus arripit; Vnde non nisi vtriusque sensus coniunctione, diuina Hygiea se nobis adorandam præbet. Quamobrem Galeno non simplex sufficit partium humani corporis peritia, nisi hanc exercitatio crebra frequens que αὐτοψία corrobauerit ac consummauerit: *Quomodo, inquit ille, de constit. art. cap. 11. Vitia & morbos partium corporis humani rectè curabit Medicus, nisi partes ipsas cognouerit?*

Artem non longam modò sed infinitam me describere conquerentes audire videor, quam tamen non sine gloriolæ insignibus plerique iuvenes exercent. Eos vno Celsi, in præmio l. 5. & Scribonij Largi axioma te, cap. cc. ut Hercules claua debellatos opinor, *Implicitas medicina partes inter se & connexas esse constat, ut nullomodo diduci sine totius professionis detrimento possint.* Nihil sine magno Vita labore dedit mortalibus. Maximum tamen Isocrates tum solatium tum incitamentum studiosis tradit, docens libenter discitem, multa etiam non difficulter discere: τὰν εἰς φιλομαθὲς ἔσθ' καὶ πολυμαθὲς.

De hominis nobilitate quot & quanta sunt quæ meditor? Ea tamen nunc silentio obuoluenda sunt, quòd & passim in libris occurrant, & in omnium ore versentur. Sufficiat id proferre, duabus naturis essentia multum inter se disparibus constare diuinum hoc animal, animo & corpore. Ille hominis forma est & perfectio; Nec enim *Tu is es quem forma ista declarat*, inquit Cicero, *sed animus, cuiusque is est quisque, non ea figura quæ digito demonstratur.* Sed & corpus ipsum mirabile est, scilicet ad Dei omnipotentis similitudinem effictum. Quantumuis in Naturæ solertiam inuestigatum sit, tanta in humani corporis fabrica cernitur, quantam nullus hætenus assecutus fuerit. Originem eius non secus ac finem arguunt: Lutum erat, inquiunt, quod à sole τὸ μικρόν σμικ breui temporis spatio exsiccatum, in puluerem conuerteretur, telluris inutile pondus. Siccine templum Dei irrident ingrati homines, superbissimum ædificium? Perquirant eius commoda, latebras & ornamenta, nil nisi tanto Architecto dignum reperient. Putrescet illud quidem, & fateor, sed non secus ac germen, ut denuo viuatur, vitaque non amplius peritura. Hæc tractent suo modo Theologi, nos verò neminem Auditorum esse opinantes, cuius præcordijs Christiana fides non infixæ sit, stultam impiorum cauillationem non ulterius confutabimus cum Dauide

de censentes *psalm. 8. Hominem paulo minorem Angelis, gloria & bonore coronatum, & constitutum super opera manum Dei*. Quantum itaque Practicum nostrum decus manet, qui quod ex meliori luto confectum est, quod tam admirabile deprehenditur, quodque toti Naturæ imperat, conseruat ac restituit; Overè magnum opus, τῶν ἀγαθῶν καὶ δαυμασίῳν τέχνη, Opus immensum, nec satis perspectum! sed ad tertiam argumenti nostri partem properemus.

Amplitudinem beneficij à Practico conciliandi cognouerit qui vitæ utilitates perlustrauerit: Utilitates dico, cum binas illas esse easque maximas intelligam. Prima vna est, Θεὸν δῶκεν qua sentimus, mouemur, intelligimus, ratiocinamur; quam animam veteres Philosophi censebant, causam effectumque confundentes, principiumque actionum omnium quas exiguo vitæ curriculo Natura circumscripsit. Illa ipsa quæ hominis gratia teste Plinio (l. 7. in proem.) cuncta alia genuisse videtur. Nihil porro illa fragilius, fugacius, inanius, vt bullæ symbolo declarata fuerit, πομφόλυξ ἄνθρωπος *Homo bulla*. Vitæ summa brevis, spem nos vetat inchoare longam. Altera illius suauitatem ostentat, non tantum ab omnibus animi curis corporisque doloribus liberæ & vacuæ, sed & innumeris voluptatibus conspersæ. Ἀπαθείαν stoicorum hic non laudarem qui summam felicitatem in morborum priuatione consistere affirmabant: Felicem quippe eum esse non arbitror, qui infelix non est. Neque ab opposito, beatos opinabor *Epicuri de grege porcos*, ad cibum potum, & venerem vnice natos, virtutis ac gloriæ nequaquam satagentes, qualem se profitebatur qui suo sepulchro inscribi curauerat. Ἡδὴν πῖνε, ἀφροδισιάζε τὰ δὲ ἄλλα ἐδέε. Quodque paucis expressit Poeta canens *quam totus homuncio nil est, Ergo viuamus dum licet esse bene*. Equidem vitam longam absque festiuitatibus optimè comparabat Pythagoras, longæ viæ absque diuersorijs: Quàm enim differunt, viuere & valere vita? Hanc egregiè Plutarchus fatale debitum censet à Maioribus nostris contractum, & à nobis persoluendum. Longius aut propius fors sua quemque manet. Præcipitatur ac fluit, properat cursu vita citato, & obrepit non intellecta senectus.

Omnes vna manet mors,

Et calcanda semel via lethi.

Nihil ergo sanitate præstantius Quis nunc tam ingratus esset, qui perperis tot beneficijs à solo Medico Practico condonatis, illum pro custode vitæ sanitatisque non agnosceret, & amplissima SERVATORIS nomina earum prorogatori denegaret? quemadmodum antiquitus palam in usu fuit Apollinem, Æsculapium, Hygeam, Bacchum, & ipsum Iouem, ΣΩΤΗΡΑΣ, nuncupare. Practicus enim verè sanitatis ciuium omnium cuiusque sint ordinis, sexus, ætatis, seruator est; qua detracta, quid potest gratum esse aut incundum? Curat ille vt sit mens sana in corpore sano, quo utroque maiorem felicitatis partem Sapientes comprehendunt:

Illud.

10

Illudque maximè curat ut umbratilis & delicata vita alioquin instar folij defluens, & longa, & commoda, & iucunda transigatur, nullis erroribus sed solo fato terminanda. O grande Practici promeritum! O incomparabile munus! quod quamuis ipsum Deo similem, ut loquuntur Platonici *ισόθεον* efficiat, plerumque tamen aut citè obliuioni traditur, aut minori quàm decet animo compensatur.

Causas tamen aliquas referre non pudebit, cur Medicus Practicus eam quam meretur existimationem, non consequatur. Familiæ obscuritas id aliquando præstat: Natalitijs enim & si Medicus non omnimode, sed doctrina & iudicio potissimum commendetur, is tamen si ex nobili aut ingenua honesta-ue familia prodierit, maius arti præbebit decus, maioremque auctoritatem quàm si ex vili aut præcutita gente, *ἐξ ὀνόμου*, victorem, fabrum, aut rabulam, se præbuerit. Ut enim pauci Anacharxes è Scythia, paucique Cleanthes, sic pauciores è mancipijs aut abiecta hominum sorte euaserunt Philosophi. Quantum inhonestè & irreuerenter Numina tractent alij, tantùm & sibi turdorum more malefaciunt; vel cùm omnia Naturæ tradentes, eius autorem Deum O. M. non satis agnoscunt; vel cùm de Deo verba semper facientes, superstitioso modo, donum sanitatis mirificè personat; aut ad similia eiusmodi recurrentes, quasi Apollinem haberent in pugno, Naturæ leges eludunt, eiusq; beneficia aspernantur: Vel deniq; cùm omnia Fortunæ commissa *κατὰ δαίμονα καὶ τύχην πάντα τελείσθαι* somniant. Nec eò secius vituperandi sunt qui sycophantijs diabolicisque calumnijs artis sanctitatem maculantes, nil aliud in mente voluere videntur, quàm ut Collegas disjiciant, ægritudines venentur, & plebi fumum vendant, lucri bonum odorem ex re qualibet censentes; Sed hæc ad diobolares Medicastris pertinent, non ad Medicum verè Practicum, *τὸν ἀνδρα ἀρεγματικόν*, quem probum, sanctum, sapientem, eruditum, prudentem, indefessum, operumque quàm verborum studiosiorem esse desideramus.

D I X I.

Proxima die, morbos capitis in genere declarabimus & explicabimus.

005644 144